

植物名實圖考

植物名實圖考卷之八

固始吳其濬著

蒙自陸應穀校刊

山草

淫羊藿

狗脊

王孫

地榆

苦參

龍膽草

白茅

菅

黃茅

卽地筋

桔梗

白及

白頭翁

貫衆

黃精附原圖三種

墓頭回

薺尾

前胡

白前

杜衡

及已

鬼都郵

芒

葇草

長松

辟虺雷

仙茅

延胡索

鬼見愁

麥侯草

白馬鞍

硃砂根

鐵線草

都管

紫背龍牙

半天回

露筋草

龍牙草

小兒羣

野蘭根

百藥祖

威州根子

黃寮郎

催風使

半邊山

信州紫袍

瓊田草

建水草

雞項草

赤孫施

鴉鳥威

獨腳仙

茆質汗

鎖陽

通草 二圖

杏葉沙參

細葉沙參

三七

錦地羅

淫羊藿

山草卷之八




淫羊藿

淫羊藿本經中品救荒本草詳列各名葉可牒食柳柳州仙靈
脾詩乃言有靈藥近在湘西原服之不盈旬驚躄皆騰鸞又三
神哉輔吾足幸及兒女奔蓋此草爲治腰膝之要藥救荒本草
云密縣山中有之滇大理府亦產不止漢中諸郡紙車而載

地榆

四

山草卷之八



地榆

地榆本經中品荒岡田塍多有之救荒本草葉可煑食亦可作茶李時珍謂俚人呼爲酸赭併入別錄酸赭



苦參

五

山草卷之八



苦參

苦參本經中品處處有之開花結角俱似小豆醫牛馬熱多用之苦參至易得而方用頗少史記著漱齧齒之效後人常以揩齒遂至病腰此亦食古不化之害事也余曾見摺載詣藥肆者詢之云牛馬病熱必以此治之東臯農作需之尤亟本草書皆未及殆未從牛醫兒來耶

龍膽草

六

山草卷之八



本草綱目卷三
龍膽

龍膽本經中品圖經述狀甚詳山中多有之救荒本草葉燦熟浸去苦味油鹽調食勿空腹服此草苦寒莖葉微細欲求果腹難矣

零婁農曰龍膽草味極苦故以膽名爲清膽熱要藥然不可過劑蓋易所謂苦節不可貞也夏令陽氣方盛一陰已伏其味苦而中央戊巳其味復甘參耆味皆甘而微苦陽中有陰故性平而可久服苓連味純苦專於陰故性偏而不可過節卦九五曰言節陽得中也上六曰苦節陰之窮也得乎中則得時則駕不

待時則蓬累而行盧懷慎之敝簣杜祁公之髹器性之所安其
情甘也握耒甫田而麾節忽若執鞭啜菽嗽泉而太牢同乎藜
藿秦爾有餘何苦之有否則矯情抑欲非僞則渝公孫宏故人
譏其布被脫粟夏侯璠晚節致有奏妓隔簾北山移文請逐俗
士豹林辟穀終喪清操和洽曰朝廷議吏有著新衣乘好車者
謂之不情形容不飾衣裘弊壞謂之廉潔以故污辱其衣藏其
與服朝府大吏或自挈壺飧以入官府凡激詭之行則容隱爲
矣誠哉是言也君子之道素位而行毋取苟難國奢示儉風之
而已強以所苦流弊滋甚苦藥生我過則爲患故道貴可行而



法防終窮抑又有說焉人之豐豫者其情舒舒陽也儉嗇者其情斂斂陰也士君子安不忘危富而重貧功業盛大守之以約身名俱泰剛柔中也不然則勢易變矣公李忠定文文山諸公譬如春夏萬物長贏天地爲之炫耀識者雖不免盛衰消長之慮然陽氣滿盈君子道長亦泰象也又不然則張安世之弋綈馮道之茅庵其硜硜自戢取容當世類皆性毗陰柔迹非光大其王恭殷仲堪輩徇小節忘大義尤無取焉若又不然則囚首喪面而談詩書蘇老泉所謂不近人情鮮不爲大奸慝者矣

三徒以藥之苦者爲良人之苦者爲賢其亦不可不辨



白茅

白茅本經中品古以縮酒其茅曰茅針白嫩可噉小兒嗜之河南謂之茅荑湖南通呼爲絲茅其根爲血症要藥

零婁農曰說文菰茅秀也從草私聲繫傳云此卽今茅華未放者也今人食之謂之茅摑

音軌

詩所謂手如柔荑秀也汝南兒

語本古訓矣紫茹未拆銀線初含苞解綿綻沁鼻生津物之潔味之甘洵無倫比每憶錫簫吹暖繡陌踏青拔彙擘絮繞指結環某山某水童子釣遊蓋因之有感矣



菅

菅爾雅白華野菅葉莖如茅而莖長似細蘆秋開青白花如荻而硬結實尖黑長分許粘人衣河南通呼爲苓草本草綱目根可入藥不及白茅

黃茅



黃茅 卽地筋

黃茅生山岡葉莖如管而粗大莖梢生葉秋時開花結實似管而色黃多針芒尤刺人衣種山者以覆屋索綯供薪用之頗亟河南通呼曰山草亦曰荒草嶺南秋深陰重有瘴曰黃茅瘴蓋蛇虺窟宅也李時珍以其根爲地筋今從之

桔梗

上

山草卷之八



桔梗

桔梗本經下品處處有之三四葉攢生一處花未開時如僧帽
開時有尖瓣不純似牽牛花



白及

白及本經下品山石上多有之開紫花長瓣微似蘭其根卽用以研朱者凡瓷器缺損研汁黏之不脫雞毛拂之卽時離解
雪婁農曰黃元治黔中雜記謂白及根苗婦取以浣衣甚潔白
其花似蘭色紅不香比之簪雞羽毛徒有文采不適於用噫黃
氏之言其以有用爲無用以無用爲有用耶白及爲補肺要藥
磨以膠漆堅不可圻研朱點易功並雌黃旣以供濯取潔又以
奇麗爲容陰崖小草用亦宏矣彼俗稱蘭草僅存臭味根甜蘊
蕒葉勁無馨徒爲婦稚之玩何裨民生之計軒彼輕此豈得爲

平然其叙述山川事勢皆有深識覽者不潛察其先見而綢繆
預防致數十年後復有征苗之師其亦玩雄文之悚魄而忽籌
筆之遠猷以有用之言爲無用之謀也乎



白頭翁

白頭翁本經下品唐本草注謂花紫色似木槿實大如雞子白毛寸餘皆披下似白頭老翁與圖經不同今寧都州志云產白頭翁採得亦不甚相類姑圖其形狀以備考陶蘇兩說既大乖異圖經宗陶說而加詳然原圖殊不相肖李青蓮有見野草中有白頭翁者詩云如何青草裏亦有白頭翁元張昱詩疎蔓短於蓬卑棲怯晚風祇緣頭早白無處入芳叢詩人寓意有作必非目所未見而醫家乃至聚訟本草衍義以蘇恭所述河南新安山中屢見之太白往來東京或卽指此惜非詠物詩體不復

揣倂然有折取對明鏡宛將衰髻同之句則非根上白茸矣滇
南有小小一枝箭亦名白頭翁花老作茸久不飛落真如種種白
髮也鳥有白頭翁而無白頭婆然則草之有白毛者以翁名之
皆可

白頭翁

山草卷之八




貫衆

貫衆本經下品爾雅潔貫衆注葉圓銳莖毛黑蜀本草謂苗似狗脊狀如雉尾形容最切其葉對生無鋸齒與狗脊異耳諸書皆以治血症而俗以祛疫浸之并與缸中飲其水不患時氣頗有驗方中有治豆瘡不快快斑散用之蓋亦和血去邪之意

零婁農曰范文正公所居宅必浚井置青朮數斤以辟疫吾先公居京師每春曠必置貫衆於井於舊仁人之用心微矣人窮則呼天疾痛則呼父母夫疾痛未必卽至阡危而反側叫號三觀者拊掌太息有欲爲分其所苦而不得者况家有嚴君門

內之婦子臧獲皆所托命其瘴癘之毒腫瘍之痛寒暖燥濕之
肯不早爲綢繆護持迨至據榻呻吟始貿貿然執途人而問醫
醫或一誤則父之於子夫之於妻主之於僕非自殺之亦一間
耳若如許世子之不嘗藥則有春秋之律在昔人謂爲人子者
不可不知醫夫醫誠難知知之不精則罪更甚於不知吾謂病
未至而防之則易醫已至而治之則難椒薑葱蒜之禦寒瓜果
燕覓之滌熱蒼朮赤豆之辟疫穀芽神麴之消積凡所謂春多
酸夏多苦秋多辛冬多鹹默會而時和之其除穢之香屢效之
丸兼收並蓄以備疹氣之不時自非心腹膏肓之疾未有不獲

效者仰則視無形聽無聲俯則時其飽時其煖雖運數不可知
然譬之力田旱則一溉者後枯水則有隄者後浸備豫不虞古
之善教其斯爲家政一端乎



黃精

黃精別錄上品救荒本草謂其苗爲筆管菜處處有之抱朴子云花實可服食今醫方無用者山西產與救荒圖同

雲婁農曰黃精一名葳蕤旣與葳蕤同名黃帝問天老曰太陽之草可以長生而本經乃祇載葳蕤至別錄始出黃精按圖列十種丹州相州細葉四五同生一節餘皆竹葉寬肥對生救荒本草亦云二葉三葉四五葉對節而生而葳蕤葉似竹葉闊短而肥厚又似百合葉頗窄小根似黃精而小異然則二物有別耶無別耶宋圖經黃精苗高一二尺以來葉如竹葉而短兩兩

相對不言四五葉同生一處萎蕤莖幹強直似竹箭竿有節葉
狹而長表白裏青與爾雅注符則寬葉爲黃精細葉四五同生
一節者爲萎蕤如此分別自爲瞭目但藥肆所售玉竹細白極
黏與黃精全不相似或卽圖經所謂多鬚者余採得細視有細
葉而多白鬚如藥肆所售者亦有大根與黃精同者土醫謂根
如黃精者是萎蕤多白鬚者乃別一種用之甚無力其說乃與
古合滇南山中尤多黃精萎蕤春初卽開花黃精高至五六尺
四面垂葉花實層綴根肥嫩可烹肉大至數斤重其偏精及鉤
吻皆以夏末秋初開花偏精矮小鉤吻有反鉤根皆不肥土人

頗能辨之太陰太陽之說相傳自古蘇恭獨創爲鉤吻蔓生之說後人遂以黃精鉤吻絕不相類東坡謂恭注多立異又喜與陶公相反幾至於屬者然細考之陶未必非恭未必是余謂陶說有未確然尙爲疑似之詞蘇則武斷者多其不如陶遠矣採黃精而並得鉤吻是何異刺人而殺而諉之曰兵所幸極陰之地毒草所叢採靈藥者所不至而極陽所照毒物必殲故誤者絕少否則著書非貽害哉

又按黃精原有對葉及數葉同作一層者圖經雖列十種大體不過兩端今江湘皆對葉滇南數葉一層其根肥大無異

精黃州滁




精黃州丹



按與黃精相似者除鉤吻偏精外湘中代以山薑其根色極
相類又有一種觀音竹滇中謂之淡竹其莖紫葉柔都分
別惟梢端發杈生枝間花微紫爲異此十圖內或不免有形
似者耶

救荒本草黃精圖



黃精苗

救荒本草黃精苗俗名筆管菜一名重樓一名菟竹一名雞格
一名救窮一名鹿竹一名菱菱一名仙人餘糧一名垂珠一名
馬箭一名白及生山谷南北皆有之嵩山茅山者佳根生肥地
者大如拳薄地者猶如拇指葉似竹葉或二葉或三葉或四五
葉俱皆對節而生味甘性平無毒又云莖光滑者謂之太陽之
草名曰黃精食之可以長生其葉不對節莖葉毛鈎子者謂之
太陰之草名曰鈎吻食之入口立死又云莖不紫莖不黃爲異
按圖卽爾雅委萎滇南所產黃精頗似之此正鈎吻相似者



墓頭圓

墓頭圓生山西五臺山綠莖肥嫩微似水芹葉歧細齒梢際結實積葉如故有毛五臺志載入藥類蓋俚方習用者本草綱目載集驗方治崩中赤白帶下用墓頭圓一把酒水各半煮童尿半盞新紅花一捻煎七分卧時溫服日近者一服久則三服其效

當卽此草



薺芩

薺芩爾雅芩薺芩注薺芩別錄中品本草綱目謂杏葉沙參卽此
根肥而無心山中多有之

前胡

五

山草卷之八



前胡

前胡別錄中品江西多有之形狀如圖經救荒本草葉可煤食
零婁農曰前胡有大葉小葉二種黔滇山人採以爲茹曰水前
胡俗呼姨媽菜方言不可譯也或曰本呼夷鬼菜夷人所食斯
爲陋矣古人重芳草芍藥和羹鬱金合鬯有飮其馨人神共享
後世茴香縮砂萆撥甘松香之屬或來自海舶重洋之外飲食
異華然其喜潔而惡濁尚氣而賤腐口之味鼻之臭與人同耳
前胡與芎藭當歸氣味大體相類爾雅以薜山蘄與山韭山慈
比類釋之則亦以爲菜屬江南採防風爲蔬江西種芎藭爲餌

滇人直謂芎爲芹然則草之形與味似芹者多矣其皆芹之類
輩耶救荒本草凡蛇床藁本前胡諸草皆燂其嫩葉調食此豈
夷俗哉伊蒲塞之饌或取香花助之彼誠夷矣然視嗜薌逐臭
蒸乳豚而採牛心者將謂爲華風否耶

又按黃元治黔中雜記云柴胡英似野芹土人采而蘼之謂
之羅鬼菜方言前與柴音相近蓋未考矣羅鬼爲苗民之一
種其山多前胡云貴州志前胡遍生山麓春初吐葉土人採
以爲羹根入藥也




白前

白前別錄中品陶隱居云根似細辛而大色白不柔易折唐本草注葉似柳或似芫花生沙磧之上俗名嗽藥今用蔓生者味苦非真核其形狀蔓生者卽湖南所謂白龍鬚已入蔓草草藥其似柳者卽此滇南名瓦草又蔓生一種

杜蘅

三

山草卷之八



杜蘅

杜蘅別錄中品山海經有之爾雅杜土鹵注杜蘅也似葵而香
圖經所述綦詳惟不釋細辛形狀陶隱居云杜蘅根葉都似細
辛則俚醫以葉圖長分別二種不爲無據

雋婁農曰山海經云杜蘅可以走馬注謂佩香草能令馬疾走
其語不詳豈物類相制如淮南萬畢術而今不傳耶否則馬食
杜蘅而有力善走如宛馬嗜苜蓿耳聖人格物本於盡性若三
草木鳥獸虞廷以命柏翳此豈尋常委瑣事哉周官設圉禁
隸掌與鳥獸言服不氏掌養猛獸而教擾之夏后氏之養龍


得望之嗜欲宣王時有梁鴛者善養鳥獸能馴虎豹後世如
無兒雞醫牛相鶴禽經蠶書其體物情入於至微甚至捕蛇
蝥蟥蜂蠅虎之屬亦教養有術焉且獸醫賤業也而與食醫同
職於冢宰蓋以人之疾病痾癢推之於有知有生而知天札瘥
瘼無不由於燥濕饑寒故一一求其性情所喜惡而調燮之
得之況馬爲國畜地用所亟夏房冬獻教駢攻駒其法至詳
漢唐西北諸國皆以能逐水草谷量牛馬稱富強故馬政以善
牧爲亟夫一束芻三升豆此常料耳東海之島有龍芻焉馬食
之一日千里西北多良馬西陽雜俎曰瓜州飼馬以藿草沙州

飼馬以茨其安北飼馬以沙蓬譬之人焉豆令重榆令瞑而服
餌參朮者亦能卻病而致康強以此類物將無同乎人第見有
馬者多鹽車之賈人御馬者多魯國之東方否則衣文繡繫
飾以養之者害之世無王良造父則所謂相馬通馬詭者
虛誕之說矣詩人美衛武公之勤民終以駮牝三千而
曰秉心塞淵爲此詩者其知道乎



及已

及已別錄下品唐本草注此草一莖四葉今湖南江西亦呼爲
四葉細辛俗名四大金剛外科要藥




鬼都郵

鬼都郵唐本草始著錄徐長卿赤箭皆名鬼都郵唐本草注苗
惟一莖莖端生葉若繖狀根如牛膝而細黑與徐長卿別蜀本
草云根橫生無鬚花生葉心黃白色此種山草形狀亦多有之
而莫能決識

雩婁農曰漢太守置督郵厥有南北東西中五部司耳目而備
咨諏焉孫寶爲京兆尹署侯文以立秋乃欲按豺狼之當道以
成天地之始適若乃趙勤行縣葉與新野之令望風而休則桓
虞以爲良鷹之下韝也閩孺部分北翁歸部分南所舉旣當而

傷者亦無敢仇至魏郡守索賄欲逐繁陽令而都郵獨以異政
留陳球蓋雖不免簿尉之罹箠楚而於守猶繆之與軌彼徐長
卿赤箭之同名殆病豎懼其傷焉將逃之而莫能留也後世嚇
老魅以鍾馗而除瘧之草皆謬曰鬼見愁又昔有靈巫曰瑤眊
持拾榼木棒以擊鬼遂呼爲無患此非其儔歟唐以後廢其官
於郡而尋藥者遂溝瞽回惑眩其說而互紊非郊子所云不能
紀遠乃紀於近耶三代以還文質迭進小儒詹詹憤于古訓而
通千里之恣恣乃益鄙而益信雖然物之盛也百名皆貴物之
衰也百名皆廢戰國尙王孫今猶有見春草而念來歸者乎漢

時重社叢今猶有見枌榆而知神所憑依者乎冬官補以考工
誰識司空古官屬耶將作拿以六匠誰識主章司林麓耶唐進
士侯生戲爲除遷羌活帶兩平章之號黃芩備苦督郵之員胡
盧巴列都尉于賢曹荆三棱以中尉而破堅官名久汰宜無傳
焉嗚呼越王之頭猶在不必購以千金仙人之棗何存孰敢誕
爲五利漢官唐典珥貂蟬拖金紫登臺閣而遊府寺者徒令人
感朽腐而墮涕淚又何責備于依草附木假托名位冉冉焉不
知春秋之百卉



芒


芒爾雅芒杜榮本草拾遺始著錄今人以爲薦多生池堰邊秋
深開花遙望如荻有紅白二種生山者瘦短爲石芒湖南通呼
爲芭茅

燕草



萋草

萋草卽小芒草生岡阜秋抽莖開花如莠而色赤芒針長柔似
白茅而大其葉纖履頗韞



長松

長松本草拾遺始著錄生關內山谷古松下根類薺芩釋慧祥
有清涼傳宋人詩集多及之

辟虺雷


重

山草卷之八



辟虺雷

辟虺雷唐本草始著錄狀如蒼朮莖眉諸山有之解毒辟瘟消痰卻熱




仙茅

仙茅唐開元中婆羅門僧進此藥開寶本草始著錄今大庾嶺
連江縣土人以爲茶飲蓋嶺北泉澗陰寒藉此辛烈以爲溫燥
服食者少或有中其毒者川中產亦多

延胡索

三

山草卷之八




延胡索

延胡索開寶本草始著錄宋人藥名詩到處遷延胡索人其入藥蓋已久今茅山種之爲治婦科腹痛要藥

鬼見愁

三

山草卷之八



鬼見愁

鬼見愁生五臺山紫毛森森如蝟刺梢端作綠苞清涼山志云
生臺麓能驅邪俗以懸門首云能畏鬼或亦呼爲鉢蓮



麥條草

麥條草一名空筒包建昌謂之虎不挨紅莖紅刺尖細如毛對
葉排比如榆葉而寬大發杈開五瓣白花綠心突出長三四分
極似魚腥草花土醫以治痧斑熱證

白馬鞍


四十

山草卷之八



白馬鞍

白馬鞍生建昌獨莖上紅下綠旁枝對發葉如梅葉嫩綠細齒
或三葉或五葉排生一枝土人採根敷毒



硃砂根

硃砂根本草綱目始著錄生太和山葉似冬青葉背甚赤根大如筋赤色治咽喉腫痛磨水或醋蘸之

鐵線草

星

山草卷之八



鐵線草

鐵線草宋圖經外類生饒州治風腫消毒余至彼訪之未得



都管

都管草宋圖經外編生宜州根似羌活葉似土當歸主風腫癰
毒咽喉痛桂海虞衡志云一莖六葉



永康軍紫背龍牙

四

山草卷之八





永康軍紫背龍牙

宋圖經紫背龍牙生蜀中味辛甘無毒彼土山野人云解一切蛇毒甚妙兼治咽喉中痛含嚥之便效其藥冬夏長生採無時

施州半天回

星

山草卷之八



施州半天回

宋圖經半天回生施州春生苗高二尺已來赤斑色至冬苗葉皆枯其根味苦澀性溫無毒土人夏月採之與雞翁藤野蘭根崔櫓等四味洗淨去麁皮焙乾等分搗羅爲末溫酒服二錢匕療婦人血氣并五勞七傷婦人服忌羊血雞魚濕麪丈夫服無所忌

施州澤傍草



施州露筋草

宋圖經露筋草生施州株高三尺已來春生苗隨即開花結子
四時不凋其子碧綠色味辛澀性涼無毒不拘時採其根洗淨
焙乾搗羅爲末用白礬水調貼蜘蛛蜈蚣咬傷瘡

施州龍牙草

四

山草卷之八



施州龍牙草

宋圖經龍牙草生施州株高二尺已來春夏有苗葉至秋冬而
枯其根味辛澀溫無毒春夏採之洗淨揀擇去蘆頭焙乾不計
分兩搗羅爲末用米飲調服一錢匕治赤白痢無所忌




施州小兒羣

宋圖經小兒羣生施州叢高一尺已來春夏生苗葉無花至冬而枯其根味苦性涼無毒採無時彼土人取此并左纏草二味洗淨焙乾等分搗羅爲末每服一錢溫酒調下療淋疾無忌左纏草乃旋花根也

施州野蘭根


七

山草卷之八



施州野蘭根

宋圖經野蘭根出施州叢生高二尺已來四時有葉無花其根
味微苦性溫無毒採無時彼土人取此并半天回雞翁藤崖椶
等四味洗淨去麤皮焙乾等分搗羅爲末溫酒調服二錢匕療
婦人血氣並五勞七傷婦人服之忌雞魚濕麪羊血丈夫無所
忌




天台山百藥祖

宋圖經百藥祖生天台山中苗葉冬夏常青彼土人冬採其葉
入藥治風有效

戴州根子

三

山草卷之八



玄明礬


不圖經根子生威州山中味苦辛溫主心中結塊久積氣攻臍
下根入藥用採無時其苗葉花實並不入藥






天台山黃寮郎

宋圖經黃寮郎生天台山中苗葉冬夏常青彼土人採其根入藥治風有效



天台山催風使

宋圖經催風使生天台山中苗葉冬夏常青彼土人秋採其葉入藥用治風有效




半邊山

宋圖經半邊山生宜州溪澗味微苦辛性寒主風熱上壅咽喉
腫痛及項上風癰以酒摩服二月八月九月採根其根狀似白
朮而軟葉似苦蕒厚而光一名水苦蕒一名謝婆菜



信州紫袍

宋圖經紫袍生信州春深發生葉如苦益菜至五月生花如金
錢紫色彼方醫人用治咽喉口齒




福州瓊田草

宋圖經瓊田草生福州春生苗葉無花二月採根葉焙乾土人
用治風生癆羅蜜丸服之



福州建水草

宋圖經建水草生福州其枝葉似桑因時常有彼土人取其葉焙乾碾末煖酒服治走疰風




福州雞頂草

宋圖經雞頂草生福州葉如紅花葉上有刺青色亦名千鍼草
根似小蘿蔔枝條直上三四月苗上生紫花八月葉凋十月採
根洗焙乾碾羅爲散服治下血

福州赤孫施

卷五

山草卷之八



福州赤孫施


宋圖經赤孫施生福州葉如浮萍草治婦人血結不通四時常有採無時每用一手搗淨洗細研煖酒調服之

信州鵝鳥威



信州鳩鳥威

宋圖經鳩鳥威生信州山野中春生青葉至九月而有花如蓬蒿菜花淡黃色不結實療癰癤腫毒採無時



福州獨腳仙


宋圖經獨腳仙生福州 山林傍陰泉處多有之春生苗至秋
冬而落葉 葉圓上青下紫其腳長三四寸夏採根葉連梗
焙乾爲末 服治婦人血塊酒煎半錢



信州茆質汗

宋圖經茆質汗生信州葉青花白七月採彼土人以治風雁行
血有効





鎖陽

鎖陽本草補遺始著錄見輟耕錄生韃靼田地補陰氣益精血
潤燥治痿

通草

山草卷之八





通草


通草卽爾雅離南活脫山海經尅脫法象本草收之拾遺曰通
脫木形狀功用具圖經其葉莖中空梢間作苞開白花如枇杷
此草植生如木頗似水桐冬時莖亦不枯本草綱目云蔓生殊
誤今入於山草類

夢奠農曰郭注零注人植而曰灌之以爲樹酉陽雜俎瓢輕白
可愛女工取以飾物尅脫之製物飾晉唐已有之矣爾雅翼引
潛夫論競花采之費以爲今通行於世其意以批黃判白插髻
飾髻爲綉麗而靡物力也然余以此物行而物力始省自作繪

絺繡五采彰施人文漸起而賦物肖形當巧闢妍譬如天地之
於草木句萌於春蒨莖於夏洩其精英以炫目曉而蕩心志者
日出而不可遏抑雕文刻鏤傷農事錦繡纂組害女工朝廷雖
以儉德風天下然以樸而華如益薪爨火以華而樸如逆阪走
丸富家明璫翠羽花鈿蔽髻一物之直適於露臺晉以金爲步
搖後宮倣效朝成夕毀競爲新奇此風日扇不熾益熾管子權
鑄之法一女必有一刀一鍼今以中人之產計之一女必有一
簪一釵一鈿一搔頭花勝環瑱條脫指環其糜朱提之浮豈可
勝數至於翦綵爲花撚蠟作鳳刻玉成葉染牙製柄織金抽縷

信金銀銅錫而爲塗附者朝侈神奇暮裂朽腐戕天下可以易
衣易食一成不敗之物還之大虛無何有之鄉此亦造物之所
大不忍而賈長沙所爲長太息者矣尅脫之葉簪抄而不可爲
金花猥碎而不可供瓶質輕虛而不可以爲薪爲器易生而扇
地徒蓬勃於螢煙瘴雨之中入藥裹者萬分無一其無益於世
久矣損其膚以登副笄千紅萬紫引蝶欺蜂而染絹盤絲一見
無顏色矣且質不及錙價不逾銖雖富者亦愛其便而後鵲冠
金勝亦少休息於秋簾之篋笥而三條廣陌或因此而減墮珥
遺簪之奢縱乎然則造物生此謂非拯翠之生完簪之裂防金

銀寶玉之虛空粉碎耶智者創物巧者述之吾以爲始飾物者
雖以西陵氏之祀享奉之可也京師有草花市乃謁東嶽百卉
萋萋實爲東方司令報賽不爲
稽無




細葉沙參

亥

山草卷之八





三七

廣西通志三七恭城出其葉七莖三故名根形似白及有節味微甘以末摻豬血中化爲水者真

本草綱目李時珍曰彼人言其葉左三右四故名三七蓋恐不然或云本名山漆謂其能合金瘡如漆粘物也此說近之金不換貴重之稱也生廣西南丹諸州番峒深山中採根暴乾黃黑色團結者狀略似白及長者如老乾地黃有節味微甘而苦頗似人參之味或云試法以末摻豬血中血化爲水者乃真近傳一種草春生苗夏高三四尺葉似菊艾而勁厚有岐尖莖有赤


苦蕒根葉味甘治金瘡折傷出血及上下血病甚效云是三
七而根大如牛蒡根與南中來者不類恐是劉寄奴之屬甚易
紫衍根氣味甘微苦溫無毒主治止血散血定痛金刃箭傷跌
撲杖瘡血出不止者嚼爛塗或爲末摻之其血卽止亦主吐血
衄血下血血痢崩中經水不止產後惡血不下血運血痛赤目
癰腫虎咬蛇傷諸病此藥近時始出南人軍中用爲金瘡要藥
云有奇功又云凡杖撲傷損淤血淋漓者隨卽爛嚼罨之卽止
青腫者卽消散若受杖特先服一二錢則血不衝心杖後尤宜

服之產後服亦良大抵此藥氣溫味甘微苦乃陽明厥陰血分之藥故能治一切血病與騏驎竭紫艸相同葉主治折傷跌撲出血傳之卽止青腫經夜卽散餘功同根

按廣西三七金不換形狀各別通志俱載之辨其非一物本草綱目殆沿訛也其所述葉似菊艾者乃土三七江西湖廣滇南皆用之滇志土富州產三七其地近粵西應是一類尙有土三七數種俱詳草藥余在滇時以書詢廣南守答云三莖七葉畏日惡雨土司利之亦勤培植且以數年時寄時過中秋葉脫不全不能辨其七數而一莖獨盡頂如蔥花冬深

苗芽至春有苗及寸一叢數頂旋即枯萎昆明距廣南千里而近地候異宜而余竟不能覩其左右三七之實惜矣因就其半萎之莖而圖之余聞田州至多採以煨肉蓋皆種生非野卉也又赤雅云凡中蠱者顏色反美於常天姬望之而笑必須叩頭乞藥出一丸啖之立吐奇怪或人頭蛇身或八足六翼如科斗子斬之不斷焚之不然用白礬澆之立死否則對時復還其家予久客其中習知其方用三七末葶藶爲丸又用白礬及細茶等分爲末每服五錢泉水調下得吐則止按古方取白蘘荷服其汁并卧其根知呼蠱者姓名則其功緩

也三七治蠱前人未曾述及有蠱之地卽產斷蠱之藥物必有制天道洵好生哉



錦地羅

錦地羅本草綱目始著錄生廣西慶遠柳州根似草薺治山嵐瘴氣蒼毒